



## Universitätsbibliothek Paderborn

### **Urkunden-Sammlung zur Geschichte der auswärtigen Verhältnisse der Mark Brandenburg und ihrer Regenten**

...

namentlich in Beziehung auf Anhalt, Bayern, Böhmen, ... und andere  
Länder ; [Urkunden-Sammlung für die Geschichte der auswärtigen  
Verhältnisse]

**Riedel, Adolph Friedrich**

**Berlin, 1847**

MCDXCV. Uebersicht der Beschädigungen, welche die Stadt Pritzwalk in  
den Jahren 1423 bis 1438 von Mecklenburgischer Seite erlitten.

[urn:nbn:de:hbz:466:1-54183](https://nbn-resolving.org/urn:nbn:de:hbz:466:1-54183)

wareborch, veldberch twe draken blucher (al. vluchter) vnde claus wiff, dy schod den schulden dod van banczendorppe, deden dat vte forsten berghe vnde wedder dar tho. Dat na nam Junghe Ludeke kracz vnde fyne knechte van kamyn twe perde to Ronnebeke vnde brochten fy to kamyn in des schulden hus. Item des fridages na vnser leuen vrowen daghe erer bort hennig veldborch, eggert wareborch, wilke wareborch med eren kumpanen nemen to dolghe sees offen, dry perde, dry kuge vnde deden dat vte forsten berghe vnd wedder in dat land to stargarde: dar to brande eggert wareborch dat dorpp Reyne aff. Item dar na so nam hinrik paschendach, hennig ueldberch twe perde van banczendorppe. Item dar na des mandages dar vor, so men lecht alleluia, hinrik westfal, korouer nemen dry perde to Ronnebeke vnde brachten fy in dat land to stargarde. Item dar na in der irften weke vasten Claus wlpf vnde vriteze wiff schoten eyne Junckfrowen dod vor dyreberghe. Item henning luderitcze, kamenitcze dy noch hinrik molezanes knecht is, nemen her kersten twe perde vnde eyn armborst vnde toggen em naket vt vnde grepen em eynen knecht aff. Item dy haghenschen vnde vnde dy wiffynghe van oldenborch schyneden Nu in den achteden daghe na wynachten dry vnde druttich waghene vppe den weghe to wilstock vt deme kloster gude to lindow to deme haghene aff vnde to. Item wedighe Rughe, buban flatow nemen to Ruue, to menezze, to czechelin allend wad dar was. Dat achte wy vppe hundert beymefche schok. Item dun hinrik van pleffe ghewefet hadde vor granfoye, dun hy nicht an endrup, dun nemen fy tho wolterstorpp twe offen, twe perde vnde to dolghe wad dar was, offen, perde, kuge vnde pucheden den kerkhoff Reyne vt vnde nemen dy lese- nen in den velde vnde deden dat tho den haghene, dar dy haghenschen twintich perde mede hatten. Item dar na schynden dy haghenschen vesteyn waghene vt deme klostergude to lindow vor der babicz vnde floghen den schulden van czulen dod vnde nemen dat korne med den waghene wech. Item to pyngelsten lofeden dy kloster Junckfrouwen van lindow twe perde van buban flatow vnde wedighe Rughen vor twe gulden vnde wedighe Rughe beheld dat beste.

Nach dem Original.

MCDXCV. Uebersicht der Beschädigungen, welche die Stadt Wittwald in den Jahren 1423 bis 1438 von Mecklenburgischer Seite erlitten.

Anno domini MCCCC. XXIII. Schach dat reymer van pleffe van der Mer- nitze nam vnser borger heyne Cremer III hundert lüwend, alle gud alle VIII rinsche gulden. Item nemen heyne ghadow ysenhod myt arer zelschopp vnser borger kersten rolen vppe de weghe to der kyritze an perden vnd an andern gherede alle gud alle XXX rinsche ghulden. To der suluen tyd nemen se vnser borger heinrich tuchsticker an gherede alle gud alle VI rinsche gulden, dat deden se vluchtich in dat land to robel.

Eodem Anno, Alse de hern dach was to wittok vppe reminifcere, nam Reyneke befwede myt zyner felfchopp vnsem kerkhern Ern johan grambowen vnd vnfen borgern Tonnyges hildebrande an perden, penninghen vnd an ander gherede alse gud alse **XXIII** rinfche gulden vnd schach in dat land to robel.

Eodem Anno Namen Tonnyges pleffe, hartwich wutzenyffe myt erer zelfchop vnfen borger Arnd gabriel eyn perd vnd **I** arborft myt andern gherede, so gud alse twelf gulden, dyt schach to der luptze.

Eodem anno Schach des sondags vor pingheften, so der hern dach was to wittok, namen reyneke befwede vnd bunghe Parzow myt erer zelfchopp vnfen armen luden to strekentyn **XXIII** houede offen vnd koyge, alse gud alse fouentich gulden, dyt is to scheen to luptze vnd krytzow.

Anno etc. **XXIII** Gherd Bere vnd kerkdorpp vnd vele andern vthe dem Land to Mekelenborch hebben weszet myt hinrich Molzane To buchold vnd Ghyfemerftorppe, vordingheden vnd nemen An qweke, perden, offen, koyge, schapp, Plunderware vnd an reden pennichen vnd an vanghen, de se grepen vnd boschatteden, so gud alse twe dufent gulden.

Anno etc. **XXV** Schach dat de pleffen alle hebben wesen Am Mandag vor palme vor pritzwalk vnd schoten vns doet eyne borger vnd nemen **V** perde so gud alse **XX** gulden: in dem suluen dage branden se aff vnse dorp Strekentyn myt der Molne vnd kerke vnde grepen vanghen, dar ze vns schaden anne deden alse gud alse virhundert gulden.

Eodem anno Namen de Pleffen van der Luptze vor vnser stad **VIII** hundert schapp so gud alse hundert gulden vnd **XXV** gulden.

Eodem anno Nemen de Pleffen van Luptze vnd van der Mernitze vnde ander Mekelenborgher vor vnser stad pritzwalk perd, koyge vnde branden aff de heyne holt molne, So gud alse druddehalff hundert gulden.

Eodem Anno Do de wendefchen heren vnd hertogen hinrich van stargharde, de van rottok vnd vele anderen mekelenborgher myt dem here vor pritzwalk legghen, branden ze aff de kywefche molne vnde eyn dorpp heyten Ghyzemerftorppe, dar ze vns schaden auve deden so gud alse druddehalff hundert gulden vnd slogen twe borger dot.

Eodem Anno Schach dat mychel maneke vnd der pleffen knecht nomen vor Pritzwalk **III** perde so gud alse **VIII** gulden vnde deden dat vluchtich to Luptze Tho.

Anno domini etc. **XXVIII**. Is ghescheen dat henneke van fchepelytze vnd der pleffen knechte hebben namen vor Pritzwalk **III** perde so gud alse **XX** gulden rinfch. Anno domini etc, **XXVII**°. Is ghescheen dat Tonnyges schoneueld, vaghet van der nyenftad, heft ghenamen vor Pritzwalk koyge so gud alse virtich gulden. Item vppe der zuluen reyfe nam he-to eynem dorppe heyten Ghyfemerftorppe vnd dede schaden so gud alse anderhalff hundert gulden vnd dede dat vluchtich to der Nyenftad In.

Eodem Anno Nemen de Plessen to Mesendorpp schapp, koyge vnd perde, dar

ze vnsen borghern anne schaden deden so gud alle XXX gulden. Anno domini etc. XXX Nemen de Plessen to zarnow qwek so gud alle fofstich gulden.

Anno domini XXXI Nam Achym Plathe van wezenberg to Lutken sterken-tyn Offen, koyge vnd Schapp so gud alle virhundert gulden.

Eodem Anno Nam her Axcow myt der hertoghynnen hoffghefynde vnsen borghern III Laste heringe vnd rōd ghelt so gud alle anderhalf hundert vnd teyn gulden rinfch.

Anno domini XXXIII Nam wynkelman vnde Auenrōd vnsen borgher kersten rosen, so he eyn recht pelegryme was, an reden gheide so gud alle IX gulden rinfch vnd deden dat in dat land to robeel.

Eodem Anno Nam Coppelow vnd heyne duzedow myt eer zelschopp III perde so gud alle XV gulden etc.

Eodem anno Nam Cone van pleffe, heyne duzedow myt erer zelschopp vnsent borger Clukow twe perde to Curstorpp so gud also acht gulden rinfch.

Anno domini etc. XXXV. Is ghescheen dat Eykhorft vnd Duzedow hebben namen vnsen borghern vir perde so gud alle XVI gulden rinfch, eod. Anno leeth de raeth van der wysmer nemen in erer stad vnsen borger sweder eyn perd, so gud alle theyn gulden.

Anno domini etc. XXXVII° Nam reymer van Pleffe vnd Tydeke Leuetzow to Bukow III schok schapp so gud alle viifvndfouentich gulden vnd deden dat to plawe ju.

Anno domini etc. XXXVI° Nam Ern Egghard Czyker Cruce here to myrow vnd syn broder Claws vnsen molner to strekethyn an koygen, perden vnd greppen ene dar to vnd deden em schaden vpp XXV gulden.

Eodem anno Desse sulue Ern Eggherd myt syner zelschopp staell vor prifzwalk III perde so gud also XXV gulden vnd furd ze vluchtich in dat land robeel Tho zoltzow. Anno domini etc. XXXII Is gheschen dat Johan van pleffe nam vnsen borghere twiffchen Sukow vnd putlest III perde so gud alle XX gulden vluchtich to der meritze. Anno domini etc. XXVIII hebben de pleffen van lupze tho Curstorppe namen an qweke vnd twe manne vanghen, den schaden achten se so gud alle twe hundert gulden. Summa van dessen vorscreuen Schaden js virdufent veftehalfhundert XVI guld. rinfch.

Anno domini etc. XXXIII. Schach dat Ern helmold van pleffe myt synen medehulperen heft ghenamen vnd brand To ghartze vnd to brunnekendorpp vnd hebben schaden dan Arnd mollendorppe vnd Ebelen synen sone so gud alle dufent lub. guder mark.

Desse nascreuen schaden hebben namen Betheke vnd Merten heyten de kerberg.

Anno domini etc. XXXV hebben vns de pleffen van der luptze schaden dan to Ghartze so gud alle twe hundert schok. Anno domini etc. XXXV hebben vns de pleffen van der luptze schaden dan to Ghartze so gud alle twe hundert schok. Anno domini etc. XXXIII° hebben de mekelenborghere vnd wentlendere dessen suluen erscreuen kerberg schaden dan to ghartze to twen tyden so gud alle vir hundert schok an roue vnd brand Anno domini etc. XXVIII°. Is ghescheen dat Ern Axcow vnde der hern hoffghefynde van mekelenborch hebben namen Merten van kerberge vor mesendorp twe schok

grotes qwekes, offen vnd koyge vnd grepen twa lude, dar se en schaden anne deden so gud alle twe hondert schok. Eodem anno Nam Godeward van pleffen dar sulues to mefendorpp achteyn par hoke offen, dar se en schaden anne deden so gud alle XXXIII schok.

Nach der Urschrift.

MCDXCVI. Liquidation der Herzogin Katharina von Mecklenburg wegen der Schäden, welche ihre Unterthanen durch Bewohner der Mark in den Jahren 1420 bis 1424 erlitten haben.

Desse nagescreuen schade is vns vrowen katherinen to meklenborch hertoginnen vnd vnser kinderen an deme lande to mecklenborch vnd dessen nagescreuen vogedyen gescheen bynnen der heren vrede vnd Sone van des Markgreuen mannen vte der marke to brandenborch vnd dar wedder in.

To deme irsten MCCCCXXII in der vogedyen tor Nyenstat Nemen de van kumelozen kule vnd koldune to Blitzemestorpe XVIII koye. Vortmer dar na plote van kumelozen brande de kerken to Muchow vnd als id dar belegghen was, pucheden dat reyne vth, nemen dar koye, perde vnd Swin, als id dar was, vnd gevenghen dar enen Man, de summa lopet wol fos hondert bemefche Schok, Vortmer MCCCCXXIII<sup>o</sup>. nemen de Trebbowen vnd vette Hans to muchowe fos perde vnd tve jeghere perde.

Vortmer dar na to hant Nam Beteke kerbergh tome Stolpe viif perde ok nemen Hans Ror, Beteke kerbergh vnde Barekeman in deme lande tor Nyenstat tve vnde twintich perde, achte offen, venghen enen man vnde slughen enen man dot. Vortmer zo heft hans Ror beschattet vnser man vte der vogedyen tor Nyenstat bynnen desser tyt, dat alle vanghenen dach scolden hebben.

Vortmer zo heft Bernd Ror tome Nyenhufe vnseme bure van Muchhowe dre tunnen haringes affgeschattet.

Ok claghet vnse Borgermester van der Nyenstat, dat em sin Sone affgelaghen is vnd is gescheen vanne Nyenhufe vnd dar to.

Desse nagescreuen schade is gescheen in den vogedyen grabow vnd gorlozen. To deme irsten Cone karstede, Gheuerman vnde Bareke man vnd des Ghanfes knechte, desse weren vor grabow, Nemen hans molenbeken tve perde zo gud alz XII lub. mark, vortmer Claves gottzen VII perde zo gud alz L lub. mark, Vortmer kokerouen III perde zo gud als XXX lub. mark, Vortmer pallatzen tve perde zo gud alz softich lub. mark. Ok wundeden ze Symon tymen beth in den dot: vortmer grepen ze pallatzen synen knecht aff, deme ze affchatteden softeyn lub. mark: dit schach to der hollenbeken aff vnd to, des ersten jares, do de heren den vrede makeden.

Vortmer in desselme jsten iare, alzo de heren den vrede makeden, Nemen vor grabow hinrik winteruelt, Hinrik greuenittze vnd Bolte grabow mit eren helperen Claves Sutor dre perde, zo gud alz XV lub. marc, Henneke detherde III perde zo gud alz XXX lub. marck vnd slughen ene suluen dot: dit schach an sunte jacobes dage.